

# Diteng

**Kanegelo ya 1:**

**Bagwera.....2**

---



**Kanegelo ya 2:**

**Ke ka morutiši.....13**

---



EXTRACT PAGES

## Dipotšišo tša pele ga go bala

1. Mogwera wa gago ke mang?
2. Naa diphoofolo di kgona go dira segwera?
3. Mogwera wa gago o go thuša bjang?



Mmutla le khudu ke bagwera. Mmutla le khudu ba dula lešokeng. Bobedi ba rata go phela mmogo lešokeng.



Mmutla o na le mona, o monafalela khudu. Mmutla o radia khudu, o tlaiša dikhudunyana. O tlaiša dikhudunyana ka ge yena a se na bana.




Khudu o befetšwe, o rakediša mmutla.  
“Ntshwarele, ke phošitše hle, mogwera!”  
gwa realo Mmutla. “Lehono gona o tla  
ntseba gabotse, wena mmutla,” gwa realo  
Khudu.




Khudu o rata leago, o swaretše Mmutla.  
Khudu o rata khutšo, o swaretše Mmutla.  
Bobedi ba phela ba thabile, ba sepela  
mmogo.



Khudu o beakanya leano la go itefeletša.  
O gokagoketša Mmutla, o a mmepula.  
“Etle mpepu mogwera wa ka yo ke mo  
ratago, mpepu!”




Khudu o tla ka leano la phadišano.  
Khudu o beakanya phadišano ya lebelo.  
Khudu o botša Mmutla ka phadišano yeo.  
Bošego Khudu a bea bana ba gagwe  
tseleng.



Khudu a bea bana tseleng bošego.  
A ba bea mathomong go fihla mafelelong.  
Ba tsenela lebelo la dimetara tše makgolo  
a mabedi (200) ka mafolofolo a magolo.




Mmutla le Khudu ba tsena methalading.  
Ba tsena methalading gore ba thome.  
Kgabo a letša phala, ba thoma go kitima  
ka lebelo.



“Ke go fentše nna senatla sa lešoka.  
Ke go fentše wena Mmutla wa moradia.  
Ke thopile sefoka nna Khudu, mogale wa  
lešoka!” gwa realo Khudu.



Khudu o thopile sefoka, o fiwa mogopo.  
Kgabo o fa Khudu mogopo wa gauta.  
Khudu o thabile, Mmutla o nyamile kudu  
ge a paletšwe.



Ekaba mmutla le  
khudu ke bagwera  
ba nnete?

“Le ge o njabeditše, re bagwera!  
Tlogela bofeane, mogwera wa ka.  
Tlogela boradia, mogwera wa ka. Le ge go  
le bjalo, nna ke sa go rata!” gwa realo  
Khudu.